

醉翁琴趣外篇

醉翁琴趣外篇卷之三

驀山溪

新正初破三五銀蟾滿纖手染香羅剪紅蓮滿  
城開遍樓臺上下歌管咽春風駕香輪停寶馬  
只待金烏晚

帝城今夜羅綺誰爲伴應卜子姑神問歸期相  
思望斷天涯情緒對酒且開顏春宵短春寒淺  
莫待金杯暖

洞仙歌令

樓前亂草是離人方寸倚遍欄干意无尽羅巾

掩宿粉殘眉香未減人與天涯共遠  
香閨知人否長是厭厭擬寫相思寄歸信未寫  
了泪成行早滿香牋相思字一時滴損便直饒  
伊家恁無情也拚了一生爲伊成病

又

情知須病奈自家先肯天甚教伊恁端正憶年  
時蘭棹獨倚春風相怜處月影花光相映  
別來憑誰訴空寄香牋擬問前歡甚時更後約  
與新期易失難尋空腸斷損風流心性除只把  
芳樽強開顏奈酒到愁腸醉了還醒

鵲踏枝

一曲罇前開畫扇暫近還遙不語仍低面直至  
情多綠少見千金不直雙回眄  
苦恨行雲容易散過尽佳期爭向年芳晚百種  
尋思千萬遍愁腸不似情難斷

又

幾日行雲何處去忘了歸來不道春將暮百草  
千花寒食路香車輾在誰家樹  
淚眼倚樓頻獨語雙燕來時陌上相逢否撩亂  
春愁如柳絮依依夢裏無尋處

又

翠苑紅芳晴滿目綺席流鶯上下長相逐紫陌  
閑隨金轆轤馬蹄踏遍春郊綠

一盞年華春夢促往事悠悠百種尋思足煙雨  
滿樓山斷續人閑倚遍欄干曲

品令

漸素景金風勁早是淒涼孤冷那堪聞蛩吟穿  
金井喚愁緒難整

懊惱人人薄倖負雲期雨信終日望伊來无憑  
準悶損我也不定

浪陶沙

把酒祝東風且共從容垂楊紫陌洛城東  
總是當時攜手處遊徧芳叢

聚散苦匆匆此恨無窮今年花勝去年紅  
可惜明年花更好知與誰同

又

花外倒金翹飲散無家柔桑蔽日柳迷條  
此地年時曾一醉還是春朝

今日許輕橈帆影飄飄長亭回首短亭遙  
過盡長亭人更遠特地魂消

又

五嶺凌秋殘荔子初丹絳紗囊裏水晶丸可惜  
天教生處遠不近長安  
往事憶開元妃子偏怜一從魂散馬嵬關只有  
紅塵无驛使滿眼驪山

又

万恨苦綿綿舊約前惟桃花溪畔柳陰間幾度  
日高春睡重綉戶深閑  
樓外夕陽閑獨自凭闌一重水隔一重山水闊  
山高人不見有淚无言

燕歸梁

風擺紅藤捲綉簾  
寶鑑慵拈日高梳洗幾時忺  
金盆水弄纖纖

髻雲謾鞦韆殘花淡和嬌媚瘦  
崑崙離情更被宿醒兼空惹得病  
猒猒

又

幙裏金爐帳外燈  
掩春睡騰騰綠雲堆枕亂鬢  
鬢猶依約那回曾

人生少有相怜到老寧  
不被天憎而今前事揔  
無憑空贏得瘦稜稜



醉偎香

凭山攔檻倚晴空山色有无中手種堂前垂柳  
別來幾度春風

文章太守揮毫万字一飲千鍾行樂直須年少  
樽前看取衰翁

聖無憂

相別重相遇恬如一夢須臾樽前今日歡娛事  
放盞旋成虛

莫惜斗量珠玉隨他雪白髭鬚人間長久身難  
得闔在不如吾

又

對路風波險十年一別須臾人生聚散長如此  
相見且歡娛

好酒能消光景春風不染髭鬚爲公一醉花前  
倒紅袖莫來扶

採桑子

十年一別流光速白首相逢莫話衰翁但聞樽  
前語笑同

勸君滿酌君須醉盡日從容盡鷁牽風即去朝  
天沃舜聰

又

十年前是尊前客月白風清憂患凋零老去光陰速可驚

鬢華雖改心無改試把金觥舊曲重聽猶似當年醉裏聲

錦香囊

一寸相思無着處甚夜長難度灯花前幾轉寒更桐葉上數声秋雨

真个此心終難負况少年情緒已交共春蠶纏綿終不學細箏移柱

繫裙腰

水軒簷幕透薰風銀塘外柳煙濃方牀遍展魚  
鱗簾碧紗籠小墀面對芙蓉  
玉人共處雙鴛枕和嬌困睡朦朧起來意懶含  
羞態汗香融繫裙腰映酥臂

阮郎歸

濃香搓粉細腰肢青螺深畫眉玉釵撩亂挽人  
衣嬌多常睡遲

綉簾角月痕低仙郎東路歸  
淚紅滿面濕胭脂  
蘭房怨別離

又

劉郎何日是來期  
無心雲勝伊行雲  
猶解傍山扉  
郎行去不歸

強勻畫  
又芳菲  
春深輕薄衣  
桃花無語伴相思  
陰陰月上時

又

去年今日落花時  
依前又見伊  
淡勻雙臉淺  
勻眉青衫透玉肌

纔會面便相思  
相思無盡期  
這回相見好相知  
相知已是遲

又

玉肌花臉柳腰肢紅粧淺黛眉翠鬟斜亸語聲  
低嬌羞雲雨時

伊怜我我怜伊心兒與眼兒綉屏深處說深期  
幽情誰得知

又

落花浮水樹臨池年前心眼期見來無事去還  
思而今花又飛

淺螺黛淡烟脂閑粧取次宜隔簾風雨閉門時  
此情風月知

怨春郎

爲伊家終日悶受盡恹惶誰問不知不覺上心  
頭悄一霎身心頓也沒處頓

惱愁腸成寸寸已恁莫把人縈損奈每每人前  
道着伊空把相思淚眼和衣搵

清平樂

小庭春老碧砌紅萱草長憶小欄閑共遶携手  
綠叢含笑

別來音信全乖舊期前事堪猜門掩日斜人靜  
落花愁點青苔

滴滴金

樽前一把橫波溜彼此心兒有曲屏深幌解香  
羅花灯微透  
偎人欲語眉先皺紅玉困春酒爲問鴛衾這回  
後幾時重又

卜筭子

極得醉中眠迤邐翻成病莫是前生負你來今  
世裏教孤冷  
言約全無定是誰先薄倖不慣孤眠慣成雙柰  
奴子心腸硬



感庭秋

紅牋封了還重拆這添追憶且教伊見我別來  
翠減香銷端的  
淥波平遠暮山重疊  
筭難憑鱗翼倚危樓極目  
無情細草長天色

醉翁琴趣外篇卷之三

醉翁琴趣外篇卷之四

滿路花

銅荷融燭淚金獸嚙扉環蘭堂春夜疑惜更殘  
落花風雨向曉作輕寒金龜朝早香衾餘暖殢  
嬌由自慵眠

小鬟無事湏來喚呵破點唇檀迴身還却背屏  
山春禽飛下簾外日三竿起來雲鬢亂不粧紅  
粉下堦且上鞦韆

轉調木蘭花

沉沉庭院鶯吟弄日暖煙和春氣重綠楊嬌眼

爲誰回芳草，深心空自動。

倚欄無語傷離鳳，一片風情無處用。尋思還有舊家心，蝴蝶時時來役夢。

又

江南三月春光老，月落禽啼天未曉。露和啼血染花紅，恨過千家煙樹杪。

雲垂玉枕屏山小，夢欲成時驚覺了。人心應不似伊心，若解思歸歸合早。

又

酒美春濃花世界，得意人人千萬態。莫教辜負

艷陽天過了堆金何處買

已去少年無計奈且願芳心長恁在閑愁一點  
上心來算得東風吹不解

又

池塘水渌春微暖記得玉真初見面從頭歌韻  
響簾鉞入破舞腰紅亂旋

玉鈎簾下香堦畔醉後不知紅日晚當時共我  
賞花人點檢如今無一半

又

珠簾半下香銷印二月東風催柳信琵琶傍畔

且尋思鸚鵡前頭休借問

驚鴻過後生離恨紅日長時添酒困未知心在  
阿誰邊滿眼淚珠言不盡

又

東風本是開花信及至花時風更緊吹開吹謝  
苦匆匆春意到頭無處問

把酒臨風千萬恨欲掃殘紅由未忍夜來風雨  
轉離披滿眼淒涼愁不盡

又

陰陰樹色籠晴晝清溪園林春過後杏腮輕粉

口摧紅池面綠羅風卷皺

佳人向晚新粧就圓膩歌喉珠欲溜當筵莫放  
酒盃遲樂事良辰難入手

又

別後不知君遠近觸目淒涼多少悶漸行漸遠  
漸無書水闊魚沉何處問

夜深風竹敲秋韻萬葉千聲皆是恨故歌單枕  
夢中尋夢又不成燈又燼

好女兒令

眼細眉長官樣梳粧鞞鞋兒走向花下立着一

身綉出兩同心字淺淺金黃

早是肌膚輕渺抱着了暖仍香姿姿媚媚端正  
好怎教人別後從頭子細斷得思量

南鄉子

淺淺畫雙眉取次梳粧也便宜酒着顰脂紅撲  
面須知更有何人得似伊

寶帳燭殘時好个溫柔模樣兒月裏仙郎清似  
玉相期此子精神更與誰

又

好个人人深點唇兒淡抹腮花下相逢忙走怕

人猜遺下弓弓小綉鞋

剗襪重來半蹕烏雲金鳳釵行笑行行連抱得  
相挨一向嬌癡不下懷

踏莎行

碧蘚回廊綠楊深院偷期夜入簾猶捲照人無  
奈月華明潛身却恨花深淺

密約如沉前懽未便看看擲盡金壺箭攔干敲  
遍不應人分明簾下聞裁剪

又

候館梅殘溪橋柳細草芳風暖搖征轡離愁漸



遠漸無窮迢迢不斷如春水

寸寸柔腸盈盈粉淚樓高莫近危欄倚平蕪盡  
處是春山行人更在春山外

又

雲母屏低流蘇帳小矮床薄被秋將曉乍涼天  
氣未寒時平明窻外聞啼鳥  
困殢榴花香添蕙草佳期須及朱顏好莫言多  
病爲多情此身甘向情中老

又

雨霽風光春分天氣千花百卉爭明媚盡梁新

燕一雙雙玉籠鸚鵡愁孤睡

薜荔依牆莓苔滿地青樓幾處歌聲麗  
驀然舊事上心頭無言歛皺眉山翠

鵲橋仙

月波清霽煙容明淡靈漢舊期還至  
鵲迎橋路接天津映夾岸星榆點綴

雲屏未卷仙雞催曉腸斷去年情味多應  
天意不交長恁恐把懽娛容易

訴衷情

眉意

清晨簾幕捲輕霜呵手試梅粧都緣自有離恨

故畫作遠山長

思往事惜流芳易成傷擬歌先歛欲笑還顰最  
斷人腸

又

歌時眉黛舞時腰無處不妖饒初剪菊欲登高  
天氣怯鮫綃

紫絲障綠楊橋路迢迢酒闌歌罷一度歸時一  
度魂消

又

離懷酒病兩忡忡歌枕夢無蹤可怜有人今夜

膽小怯房空

楊柳綠杏梢紅負春風迢迢別恨脉脉歸心付  
與征鴻

憶漢月

紅艷幾枝輕裊新被東風開了倚煙啼露爲誰  
嬌故惹蝶怜蜂惱

多情遊賞處留戀向綠叢千繞酒闌歡罷不成  
歸腸斷月斜春老

雨中花

千古都門行路能使離歌聲苦送盡行人花殘

春晚又到君東去

醉藉落花吹暖絮多少曲隄芳樹且攜手留連  
良晨美景留作相思處

恨春遲

欲借江梅薦飲望隴驛音息沉沉住在柳州東  
彼此相思夢回雲去難尋

歸燕來時花期淺淡月墜將曉還陰爭奈多情  
易感風信無憑如何消遣初心

思佳客

學畫宮眉細細長芙蓉出水闌新粧只知一笑

能傾國不信相看有斷腸

雙黃鵠兩鴛鴦迢迢雲水恨難忘早知今日長  
相憶不若從初莫作雙

鹽角兒

增之太長減之太短出羣風格施朱太赤施粉  
太白傾城顏色

慧多多嬌的的天付與教誰怜惜除非我偎着  
抱着更有何人消得

又

人生最苦少年不得鴛鴦相守西風時節那堪

話別雙娥頻皺

暗消魂重回首奈心兒裏彼此皆有後時我兩  
个相見管取一雙清瘦

洛陽春

紅紗未曉黃鸝語蕙爐鎖闌炷錦屏羅幕護春  
寒昨夜三更雨

綉簾閑倚吹輕絮斂眉山無緒看花拭淚向歸  
鴻問來處逢郎否

憶秦娥

十五六脫羅裳長恁黛眉蹙紅玉暖入人懷春

困熟

展香裯帳前明盡燭眼波長斜浸鬢雲綠者不  
足苦殘宵更漏促

少年遊

綠雲雙鞦韆插金翹年紀正妖饒漢妃束素小蠻  
垂柳都占洛城腰

錦幙春過衣初減香雪暖凝消試問當筵眼波  
恨滴滴爲誰嬌

又

去年秋晚此園中携手翫芳叢拈花嗅藥惱煙



掠霧拚醉倚西風

今年重對芳叢處  
追往事又成空  
敲遍欄干向  
人無語  
惆悵滿枝紅

又

肉紅圓樣淺  
心黃枝上巧  
如裝雨輕煙重  
無膠  
天氣啼破曉  
來粧

寒輕貼  
舂風頭  
冷忍  
拋弃  
向秋光  
不會  
深心爲  
誰惆悵  
回恨斜陽

鳳栖梧

嘗愛西湖春色早  
臘雪方銷已見桃  
開小頃刻

光陰都過了如今綠暗紅英少  
且趁餘花謀一笑況有笙歌艷態相縈繞老去  
風情應不到憑君剩把芳樽倒

減字木蘭花

樓臺向曉淡月低雲天氣好翠幕風微宛轉梁  
州入破時

香生舞袂楚女腰肢天與細汗粉重勻酒後輕  
寒不着人

又

畫堂雅宴一抹朱弦初入遍慢撚輕籠玉指纖

纖嫩剥葱

撥頭惚利怨日愁花無限意紅粉輕盈倚暖香  
檀曲未成

又

留春不住燕老鶯慵無覓處說似殘春一老應  
無却少人

風和月好辦得黃金須買笑愛惜芳時莫待無  
花空折枝

醉翁琴趣外篇卷之四

醉翁琴趣外篇卷之五

踏莎行慢

獨自上孤舟倚危檣目斷難成暮雨更朝雲散  
涼勁殘葉亂新月照澄波淺今夜裏耿耿離緒  
難銷遣

強來就枕燈殘漏永合相思眼分明夢見如花  
面依前是舊庭院新月照羅幃挂珠簾捲漸向  
曉脉然睡覺如天遠

虞美人影

梅梢弄粉香猶泥欲寄江南春信別後危腸愁

損筭得伊爭穩

小炉獨守寒灰燼  
忍泪低頭畫盡眉  
上萬般情  
竟日無人問

木蘭花令

西湖南北煙波闊  
風裏絲篁聲韻咽  
舞餘裙帶  
綠雙垂酒入香腮紅一抹

杯深不覺琉璃滑  
貪看六么花十八  
明朝車馬  
各東西惆悵盡橋風與月

又

兩公朝相遇逢佳節  
正值柳綿飛似雪  
便須豪飲

敵青春莫對新花羞白髮  
人生聚散如弦筈老去風情尤惜別大家金盞  
倒垂蓮一任西樓低曉月

又

常憶洛陽風景媚煙暖風和添酒味鶯啼宴席  
似留人花出牆頭如有意  
別來已隔千山翠望斷危樓斜日墜關心只爲  
牡丹紅一片春秋來夢裏

蕙香囊

身作琵琶調金宮羽佳人自然用意寶檀槽在

雪簟前倚香臍橫枕瓊臂  
組帶金鈎背垂紅綬纖指轉絃韻細願伊只恁  
撥梁州且多時得在懷裏

玉樓春

殘春一夜狂風雨斷送紅飛花落樹人心花意  
待留春春色無情容易去  
高樓把酒愁獨語借問春歸何處所暮雲空闊  
不知音惟有綠楊芳草路

又

洛陽正值芳菲節穠艷清香相間發游絲有意

苦相縈垂柳無端爭贈別

杏花紅處青山缺山畔行人山下歇今宵誰肯  
遠相隨惟有寂寥孤館月

又 答周太傅

樽前擬把歸期說未語春容先慘咽人生自是  
有情癡此恨不關風與月

離歌且莫番新闕一曲能教腸寸結直須看盡  
洛城花始共春風容易別

又 柳詞

黃金弄色輕於粉濯濯春條如水嫩爲緣力薄



未禁風不奈嬌多長似困

罽柔乍怯人相近眉小未知春有恨勸君着意  
惜芳菲莫待行人攀折盡

又

蝶飛芳草花飛路把酒已嗟春色暮當時枝上  
落殘花今日水流何處去

樓前獨遶鳴蟬樹憶把芳條吹暖絮紅蓮綠艾  
亦芳菲不奈金風兼玉露

又

春山斂黛低歌扇暫解吳鉤登祖宴畫樓鍾動

已魂消何況馬嘶芳草岸

青門柳色隨人遠望欲斷時腸已斷洛城春色  
待君來莫到落花飛似霰

又

風遲日媚煙光好綠樹依依芳意早年華容易  
即凋零春色只宜長恨少  
池塘隱隱驚雷曉柳眼未開梅萼小樽前貪愛  
物華新不道物新人漸老

又詠蝶

南園粉蝶能無數度翠穿紅來復去倡條冶葉

恣留連飄蕩輕於花上絮

朱欄夜夜風兼露宿粉棲香無定所多情翻却似無情贏得百花無限妬

又

西亭飲散清歌闕花外遲遲宮漏發塗金燭引紫騮嘶柳曲西頭歸路別

佳晨只恐幽期闊密贈殷勤衣上結翠屏魂夢莫相尋禁斷六街清夜月

又

雪雲乍變春雲簇漸覺年華堪送目北枝梅蕊

犯寒開南浦波紋如酒綠

芳菲次第還相續不奈情多無處足樽前百計  
得春歸莫爲傷春歌黛蹙

又

去時梅萼初凝粉不覺小桃風力損梨花最晚  
又凋零何事歸期無定準

攔干倚遍重來凭淚粉偷將紅袖印蜘蛛喜鵲  
悞人多似此無憑安足信

又

艷冶風情天與措清瘦肌膚冰雪妬百年心事

一宵同愁聽雞声窓外度

信阻青禽雲雨暮海月空驚人兩處強將離恨  
倚江樓江水不能流恨去

又

即席賦琵琶

紅條約束瓊肌穩拍碎香檀催急袞隴頭嗚咽  
水声繁葉下間關鶯語近

美人才子傳芳信明月清風傷別恨未知何處  
有知音常爲此情留此恨

又

春葱指甲輕攏撚五彩垂條雙袖卷雪香濃透

紫檀槽胡語急隨紅玉腕

當頭一曲情何限入破錚鏦金鳳戰百分芳酒  
祝長春再拜歛容臺粉面

又  
印眉

半幅霜綃親手剪香染青蛾和淚卷盡時橫接  
媚霞長印處雙沾愁黛淺

當時付我情何限欲使粧痕長在眼一回憶着  
一拈看便似花前重見面

又

紅樓昨夜相將飲月近珠簾花近枕銀缸照客

酒方酣玉漏催人街已禁  
晚潮去掉浮清浸古岸平  
無蕭索甚大都薄宦  
足離愁不放雙鴛長恁恁

又

金雀雙鬟年紀小學畫娥眉  
紅淡掃儘人言語  
儘人怜不解此情惟解笑  
穩着舞衣行動趨向綺筵呈曲妙  
劉郎大有惜花心  
只恨尋花來較早

又

夜來枕上爭閑事  
推倒屏山寒綉被  
伶人求守

不應人走向碧紗窗下睡  
直到起來由自帶向道夜來真个醉大家惡發  
大家休畢竟到頭誰不是

南鄉子

翠密紅繁水國涼生未是寒雨打荷花珠不定  
輕翻冷潑鴛鴦錦翅班  
盡日凭欄弄藥拈花子細看偷得裊蹄新鑄樣  
無端藏在紅房艷粉間

又

雨後斜陽細細風來細細香風定波平花映水



休藏照出輕盈半面粧  
路隔秋江蓮子深深隱翠房  
意在蓮心無問處  
難忘淚裏紅腮不記行

又

細雨濕花芳草年年惹恨長  
煙鎖畫樓無限事  
茫茫粉鑒鴛衾兩斷腸  
魂夢悠揚  
睡起楊花滿綉床  
薄倖不來門半掩  
斜陽負你殘春  
淚兩行

醉桃源

東風臨水日  
嚙山春來長  
是閑落花狼藉酒闌

珊笙歌醉夢間

春睡覺晚粧殘無人整翠環留連光景惜朱顏  
黃昏獨倚欄

又

南園春早踏青時風和聞馬嘶青梅如豆柳如  
眉日長蝴蝶飛

花露重草煙低人家簾幕垂秋千慵困解羅衣  
盡梁雙燕飛

又

角聲吹斷柳梅枝孤窓月影低塞鴻無限欲驚

飛城烏休夜啼

尋斷夢掩深閨行人去路迷門前楊柳綠陰齊  
何時聞馬嘶

醉翁琴趣外篇卷之五

醉翁琴趣外篇卷之六

定風波

把酒花前欲問佗對花何惜醉顏酡春到幾人  
能爛賞何況無情風雨等閑多

艷樹香叢都幾許朝暮惜紅愁粉柔情何好是  
金盃浮玉浪相向十分深送一聲歌

又

把酒花前欲問伊忍嫌金盞負春時紅艷不能  
旬日看宜筭須知開謝只相隨

蝶去蝶來猶解戀難見回頭還是度年期莫候

飲闌花已盡方信無人堪與補殘枝

又

把酒花前欲問翁對花何事訴金鍾爲問去年  
春甚處虛度鶯撩聲亂一場空

今歲春來須愛惜難得須知花面不長紅待得  
酒醒君不見千片不隨流水即隨風

又

把酒花前欲問君世間何計可留春縱便青春  
留得住虛語無情花對有情人

任是好花須落去自古紅顏能得幾時新暗想

浮生何事好，唯有清歌一曲倒金樽。

又

把酒花前欲問伊，問伊還記那回時。黯淡梨花籠月影，人靜畫堂東伴藥欄西。

及至如今都不認，難問有情誰道不相思。何事碧牕春睡覺，偷照粉痕勻却濕臙脂。

浣溪沙

堤上游人逐畫船，拍堤春水四垂天。綠楊樓外出鞦韆。

白髮戴花君莫笑，六么催拍盞頻傳。人生何處

似尊前

又

樓倚江邊百尺高暮煙收處見歸橈幾時期信  
似春朝

花片片飛風弄蝶柳陰陰下水平橋日長人去  
又今宵

又

紅粉佳人白玉杯木蘭舫穩棹歌催綠荷風裏  
笑聲來

細雨輕煙籠草樹斜橋曲水遶樓臺夕陽高處

畫幙開

又

雲曳香綿彩柱高絳旗風颭出花梢一梭紅帶  
往來拋

東素美人羞不打却嫌裙慢褪纖腰日斜深院  
影空搖

又

葉底青青杏子垂枝頭薄薄柳綿飛日高深院  
晚鶯啼

堪恨風流成薄倖斷無消息道歸期托腮無語



翠眉低

又

青杏園林煮酒香  
佳人初著薄衣裳  
柳絲搖曳燕飛忙

乍雨乍晴花自落  
閑愁閑悶晝偏長  
爲誰消瘦損容光

又

天碧羅衣拂地垂  
美人初著更相宜  
花風如舞透香肌

獨坐含顰吹鳳竹  
園中緩步折花枝  
有情無力

帶人時

減字木蘭花

歌檀欒袂繚繞彫樑塵暗起柔潤清圓百斛明珠一綫穿

櫻唇玉齒天上仙音心下事留住行雲滿坐迷魂酒半醺

又

去年殘臘曾折梅花相對插人面而今空有花開無處尋

天天不遠把酒拈花重發願願得和伊偎雪眠

香似舊時

又

傷離懷抱天若有情人亦老此意如何細似輕  
絲渺似波

扁舟岸側楓葉荻花秋索索細想前懽須看人  
間比夢間

又

年來方寸十日幽懽千日恨未會此情白盡人  
頭可得平

區區堪比水趺浮萍風趺水試望瑤京芳草隨

人上古城

聖無憂

珠簾捲暮雲愁垂楊暗鎖青樓煙雨濛濛如畫  
輕風吹旋收

香斷錦屏新別人閑玉簫初秋多少舊歡新恨  
書杳杳夢悠悠

迎春樂

薄紗衫子裙腰匝步輕輕小羅靴人前愛把眼  
兒劄香汗透臙脂蠟

良夜永幽期懽則洽約重會玉纖頻插執手臨

歸猶且更待留時霎

臨江仙

記得金鑾同唱第  
春風上國繁華  
如今薄宦老天涯  
十年歧路空負曲江花  
聞說閬山通閬苑  
樓高不見君家  
孤城寒日等閑斜  
離愁難盡紅樹遠連霞

又

柳外輕雷池上雨  
雨聲滴碎荷聲  
小樓西角斷虹明  
欄干倚處待得月華生  
燕子飛來窺畫棟  
玉鉤垂下簾旌  
涼波不動簾簾  
燕子飛來窺畫棟

紋平水晶雙枕傍有墮釵橫

江神子

碧欄干外小中亭雨初晴早鶯聲飛絮落花天氣近清明睡覺捲簾勻面了無个事没心情  
窄羅衫子薄羅裙小腰身晚粧新每到花時長  
是不宜春早是自家無氣力更被你惡怜人

南歌子

鳳髻金泥帶龍紋玉掌梳走來窻下笑相扶愛  
道畫眉深淺入時無

弄筆偎人久插花試手初等閑妨了繡工夫問

雙鴛鴦字怎生書

一落索

小桃風撼香紅碎。滿簾籠花氣。看花何事却成  
愁。悄不會春風意。

牕在梧桐葉底。更黃昏雨細。枕前前事上心來。  
獨自个怎生睡。

夜行船

滿眼東風飛絮。催行色短亭春暮。落花流水草  
連雲。夜天看。看是斷腸南浦。

檀板未終人未去。扁舟在綠楊深處。手把金樽。

難爲別更那堪亂鴛踈雨

又

昨夕佳期初共鬢雲低翠翹金鳳罇前含笑不成歌意偷傳眼波微送

草草豈容成楚夢漸寒深翠簾霜重相看還到斷腸時月西斜盡樓鍾動

又

憶昔西都懽縱自別後有誰能共伊川山水洛川花細尋思舊遊如夢

今日相逢情態重愁聞唱盡樓鍾動白髮天涯



逢此景倒金樽  
帶誰相送

又

閑把鴛衾橫枕  
損眉尖淚痕紅  
沁花時良夜不  
歸來忍頻聽漏  
移清禁

一餉无言都未  
寢憶當初是誰  
先恁及至如今  
教人成病風流  
萬般徒甚

又

輕捧香腮低枕  
眼波媚向人相  
浸佯嬌佯醉索  
如今這風情怎  
教人禁

却與和衣推未  
寢低聲地告人  
休恁月夕花朝

不成虛過芳年嫁君徒甚

摸魚兒

卷綉簾梧桐楸院落一颯雨添新綠對小池閑  
立殘粧淺向晚水紋如縠凝遠目恨人去寂寂  
鳳枕孤難宿倚欄不足看燕拂風簷蝶翻露草  
兩兩長相逐

雙眉蹙可惜年華婉婉西風初弄庭菊況伊家  
年少多情未已難拘束那堪更迹涼景追尋甚  
處垂楊曲佳期過盡但不說歸來多應忘了雲  
屏去時祝

望江南

江南蝶斜日一雙雙身似何郎金傅粉心如韓壽愛偷香天付與輕狂

微雨後薄翅膩韶光纔伴遊蜂來小院又隨飛絮過東牆長是爲花忙

又

江南柳花柳兩相柔花片落時粘酒盞柳條低處拂人頭各自是風流

江南月如鏡復如鉤似鏡不侵紅粉面似鉤不掛畫簾頭長是照離愁

又

江南柳葉小未成陰人爲絲輕那忍折鶯嫌枝  
嫩不勝吟留著待春深  
十四五閑抱琵琶尋堦上敲錢堦下走恁時相  
見早留心何況到如今

宴瑤池

戀眼嚶心終未改向意間長在都緣爲顏色殊  
常見餘花盡無心愛

都爲是風流賺至他人強來廝壞從今後若得  
相逢繡幃裏痛惜嬌態

解仙佩

有个人人牽繫淚成痕  
滴盡羅衣問海約山盟  
何時鎮教人目斷魂飛

夢裏似偎人睡肌膚依舊骨香膩  
覺來但堆鴛被想忡忡那裏爭知

長相思

蘋滿溪柳遶堤相送行人溪水西  
回時隴月低煙霏霏風淒淒  
重倚朱門聽馬嘶寒鷗相對飛

又

深畫眉淺畫眉蟬鬢鬢  
鬢鬢雲滿衣陽臺行雨回

巫山高巫山低日暮蕭  
郎歸不歸空房獨守  
時

又

花似伊柳似伊花柳青春人別離  
低頭雙淚垂  
長江東長江西兩岸鴛鴦兩處飛  
相逢知幾時

又

深花枝淺花枝深淺花枝相並時  
花枝難似伊  
玉如肌柳如眉愛着鵝黃金縷衣  
啼粧更爲誰

瑞鷓鴣

楚王臺上一神仙眼色相

未傳見了又休還

似夢坐來雖近遠於天  
籠禽有恨猶能說江月無  
送惆悵落花飛絮兩翩翩

醉翁琴趣外篇卷之六